

瀘溪縣志卷之十二

詩類

五言古

和蘓著作麻姑十詠

李觀

魯公碑

他人二字書美好若婦女猗嗟顏太師赳赳丈夫武麻姑
有遺碑歲月亦已古硬筆可破石鐫者疑虛語驚龍索雷
鬪口唾天下雨怒虎突圍出不畏於強弩有海珠易求有
山玉易取惟恐此碑壞此書難再覩安得同寶鎮收藏在

瀘溪縣志

卷之十二詩

天府自非大祭時莫教凡眼覩

蓮花池

碧蓮何歲開我時不得見於今到池上只有紅蓮綻紅蓮
非醜惡物以多爲賤阿蠻雖解舞不見真妃面

葛仙壇

仙翁猶在時壇上何設施仙翁一去後夢草空離離下土
固大笑言者多不知嗟嗟天壤內共是枯魚池

煉丹井

丹竈久已毀井泉空獨存此地非常地今人非昔人我願



刀圭藥輕舉朝明宸一言洗天日萬物歸陽春羣仙誰嫉
妒使我身漂淪俯視廢井水欲飲礙荆榛徘徊片雲下泣
涕沾衣巾少壯幾何時且醉樽中醇

七星杉

五行與萬類有象皆在天如何彼杉樹反更侔星躔予思
古昔意欲媚茲山巔草木尚有斗人物誰非仙栽培自何
代表衰老今多年大旱不減翠涉春無益鮮生當好世界過
盡閑雲煙房心欲布政柱石安可捐

瑋瑁石

瀘溪縣志

卷之十一詩

二

前有縣大夫取此石爲噐噐然夸謂予材與工俱美如何
爾鄉人噐用曾莫備無乃居荒陬俗鄙不喜事答云此石
堅攻磨動時歲官用錢出民民用錢出已出民官不知喜
事誠可貴出已乃傷財誰能不惜費大夫聞此言如有所
忿戾今君唱是詩敢以報嘉惠

秦人峯

秦法雖甚苛秦吏若猶拙山林不數里俾爾逃得脫予觀
後世事政役火烈烈苟非爲鬼神何計避羈縶聖皇今在
御百事咸均節常披詔書意若念生財竭誰能將順者所

望在賢哲無使峯中人笑我民屠裂

虎跑泉

虎跑本何爲彼將對以臆有如大丈夫卓爾抱剛直盜泉
既不飲譖人亦不食山中小禽獸何足勞提搦勇氣無所
泄爪地成遺跡地神嘉乃誠水源如開闢尋常竊六畜夜
傍人牆壁是與豺豸同聞此宜慚色

丹霞洞

山西十數里乃是丹霞洞直上窮雲霓中寬入罌甕紅塵
生不識明月手可捧人家千里庭泉源六月凍風雨氣勢
瀘溪縣志

卷之十一

三

惡草木精神竦靈物少形見仙官何職貢俗緣易厭倦世
事足愁痛寄語松上鶴他年期一控

流杯池

幽居久不樂心死如濕灰聞言山有池仙客曾流杯披衫
向西坐欲望無崇臺何當命遊宴盡聚不羈才顧恐狹隘
地未足開吾懷仰手斫河漢決向天南來移舟復轉巖壅
遏成環迴橫持北斗柄量盡酒星醅箕踞接下流一飲空
千壘八風助吟倡萬怪供嘲諧醉來散髮卧蠅聲視霆雷
冷笑勢利子茫茫塵土堆

過養老峯有作呈同門朱明府

劉希甫

青山原不老而以養得名妙有分二氣亘古峙鶴城故人
宰斯邑尺素款柴荆感茲勲懇意入境恐後程二月春過
半到處聞鷓鴣輕裝戒我僕努力躋崢嶸險道雲邊盡盤
曲石磴縈谷深屯宿雨峰峻遇新晴仰攀人屢息高上日
正晶雲出前峰暗峽帆龍馬并眺望方極目颯颯松風鳴
彷彿榮啟歌依稀子晉笙蕪門應長嘯訪道若舍情孤亭
跨山腹泉甘茗可烹中有白髮叟從容道其誠甲子逾絳
老粟帛去年榮子諒荷良牧宣恩無漏氓休養此山麓扶

瀘溪縣志

卷之十二詩

四

鳩唱太平

中秋望月擬古

鄧璠

行行復行行斂手避秋陽燕去巢空在桂菊始懷芳念昔
田氏子爲樂當夜忙竝出建春門乃至白雲鄉不願燭夜
花願得薰髓漿一洗腸胃穢與月相翱翔

其三

昔有陳公子作宮昭殿旁規門水晶壁空洞無他藏嫦娥
不知姓浪云弧矢張無乃有窮妻亦解射天狼白兔一朝
死策馬入西羌憤憤無所發長恨寄蕭娘

其四

瑣里綠蒙衫玉河花藥裳當時凝香兒舞亂歌正狂天風
自南發是月到幽涼鴈飛豈不高無因過衡陽及今選弓
矢正可得六雙持此獻明月無爲徒悲傷

雷巖

王吉臣

秋抱山蔚蒼礎磳淨如掃踏雲際高空循巖悉竒矯及此
轟然尊嶽中幻冥窈洞口閉陰森颯風厲沈滛旬旬震古
今颺欵千里燂神理莫思議誰能事遐討屏對意茫如斜
日聲光悄

瀘溪縣志

卷之十二詩

五

出雲峯

石映奎

猗猗割天影漭漭涵雲胎巖穴爭冥窅猿狖自去來吞剝
徑欲絕烟墟誰問哉繫我祖我父畢力窮草萊靈境不終
沒萬景若爲開湖海澄今昔日月相逐催巔際沈瀼溢曉
鶴凌風迴振衣一長嘯詎復問天台

嵩溪

王吉臣

溪以嵩得名諒亦派所始噴沫幾山山沿洄至於此瀟澗
壯朝昏市紛若爲洗環居衆峯粵積翠亦餘羨五宿此村
中魂夢如在水匪醉不成眠壺觴就知已昨夜聞杜鵑遐

思烟林裏曉飛霜盈砌漸雨掩朝晷潘溪與嵩溪相距數
十里氣候遂不同亦山爲之耳乃知宇宙間風土有殊理
誰能極遐荒周悉元造軌

輓邑侯區

魏士洪

某水余所釣某樹余所植舉鄉來西江天把霖雨施請蠲
蕪瀘民扼城奠瀘地三載撫字週一官身何繫解組賦歸
來暫駕憇省會旅館夜火寒客船殘月墜魂飄嶺南道毅
魄飛沙瘞輻車出章門望懸瀘水際年年春樹榮長酒杜
鵲淚

瀘溪縣志

卷之十三詩

六

贈李泰伯

葉清臣

進士不讀書明經不根義詬病君子儒於以作文樊禮部
右詞賦諸生竊科第從制慮違仁追趨斯近利李生何爲
者力學務遜志差恥事章句深湛刺經藝常惟天子貴無
大明堂位邈焉三代風歎矣百世繼去聖日逾遠攻端非
共致公玉旣妄圖戴德亦謬記漢唐盛容典規畫不足示
其間區區者何暇盛德事確論無甚高濶講寢而墜披文
會今古援筆考同異面勢本周官纖悉探呂氏俛拾林甫
長仰摘康成豎昭發老生矇冥符作者意聖期接千統縵

禮恢萬祀無文既已秩同節此云備寧當總章法未覽雲
臺議廢興有時合聰明自民視成屢繫衆材致禮豈凡技
北闕朝奏書中朝夕鳴珮行矣無自遺日中今可斐

七言古

訪山甫入長山不遇

王安石

石澗迤邐聲漕漕碧峭峯嶺雲巔高山大澤深龍蛇出誰
知間氣產英豪金陵老子硬鐵脊馳車尋隱來鑿石古來
賢聖皆自出男兒健在更努力

大覺巖

龔麟標

瀘溪縣志

卷之十一詩

七

空中樓閣凌霄起五老七星未可比怪石如懸復若墜上層
崖累上足還止遙天碧鏡照雙丸極目青雲隔一咫穿徑
玲瓏過小巖神工鬼斧有如是

出雲峯歌

王吉臣

矗天三十六峯竒突兀最上一峯出雲森地骨盤道屈折
浮紫烟元室局靈聲影沒我來乘雲捫仙闕籟奏初涼紛
合節塵土曾聞洗邾詵也應石髓留王烈摩空納遠窮無
窮戟劍青攢神鬼工定有丹經不知處巖雲飛墮吹山風

三十六峯歌

傅金門

聞道名峯峯六六峯峯峯峯相峙轟路轉峯迴更有峯參
差錯認九嶷曲名葩異卉迥孤芳遊屐到此意蒼茫丹崖
貺客烟霞冷元洞留人日月長逐蠅頭競躡角剩得此中
無晦朔花開花落記春秋雲閒天淡日悠悠

東觀日出

出雲峯十
二景之一

傅金門

暮靄沉沉萬像悄枝棲未穩沸羣鳥東鄉俄傳啟絳輝瞳
矚晨光散湖表雪山蕩漾簇金輪須臾擁出扶桑曉

雷巖出震

出雲峯十
二景之一

傅金門

元炁氤氲妙孕育中有神奇伏巖谷遙聞空際殷雷聲聲

瀘溪縣志

卷之十二詩

八

撼乾關與坤軸碎旬何人納鼓車紛披驚石散雲麓須臾
膏雨注寰區原隰昫昫滋滲漉既優既渥盈百室拜嘉雷
在地中復

痛第文孺

時九
日也

鄧璫

傷心一恨少人語直走衡陽迴鴈所祇見杜鵑意未通先
驚眼角血如許十年絲竹爲誰荒九日茱萸不我與洞庭
鮫人恨轉深不如不說且歸去

輓曾烈婦林氏

魯日
上妻

李春華

申女伯姬徽萬紀壺則綱常全勿毀疇謂昔今夙烈遙阿

姑殉節猶芳軌一身不欲免戎行全貞豈肯容纖糝無愧
人間烈丈夫一輪皎月沉潭裏

九曲山居歌

僧行鑑

年去年來九曲中荷鋤持鍤跳樊籠休閒時倚前檻仰飛
鴻又則見日近白雲封鳴鳥嚶嚶出碧叢這般佳趣領取
誰同任是是非非風風雨雨我耳如聾叅透那機鋒時而
南北時而西東千重破衲金不換一味清癯志愈雄拄杖
縱橫處深下工靜觀萬物本是空那管三春桃花紅

布衣行贈陳思原

鄧元錫

瀘溪縣志

卷之十一詩

九

君不見漳南陳布衣蒲團兀坐如有思扣關謁帝談經濟
鹿柴偃卧風颼颼又不見南海陳公甫陽春三月澄靈腑
一朝學覺契無爲直造渾淪天可補彼皆布衣修闇然拔
茅自奮鴻蒙前嶺南閩南丞相望千里一瞬滄溟烟陳生
蒿萊翳門巷黃蘂白黍欣相向箕疇大學契玄同欲揭日
月層霄上做衣躡躑首燕路美芹温曝歡無度登聞欲擊
閭闔高啾啾燕雀謹相選謁來訪我清津南霜飛水合月
在簷時時一編披古易除夜青燈書矻矻春回膏雨復夏
初漪蘭芷杜芳其適古來儻多貧賤昭代二賢君自見

精鏐欲煨百煉剛帝鴻自治蒼球硯

逍遙峰懷古

周立愛

崕絕石懸斷若繫群峯稜稜天之際逍遙樓敞壁玲瓏拂
曙掛星添竒麗赤境橋邊李家坪控引環牽輔形勢非近
非遠非卽離鏗鎗徐鳴聲不替大塊鬱久氣必洩泰伯先
生英華挈詩噪齷歲勝衣文十四年後多肘掣儘力振起
未肯頽上下古今俱羅列端緒茫茫無處尋鑿幽搥險心
自說唐虞禪讓中法傳夏商邇來周家接咸陽炬熾綫尚
延漢儒詰義少穩愜有宋一代絕學興前人蹬級踵相躡

瀘溪縣志

卷之十一 詩

十

二程諸子衍濂溪先生中流早擊楫輝然特見在簡編先
膚羨澤在山川颼颼古松倒垂岫縞鶴清唳羽翮騫嬋代
升沉日月照翠影紅霞靄巖巔抗懷爲溯伊人迹風流長
企千載前世俗厖稱喜表暴豪傑梗概懼敗衄范文正公
時名卿許可先生再推轂祖余矜尚吏匪庸交契歷歷存
手蹟嘆息芳踪去難留閨戶蕭條惟空谷元猿肆擲抱樹
鳴飢颺偷餐永夜伏古藤蛇虺互交纏鳳苞匿采飛蝙蝠
維昔徑路笑終南於今莫繼彥倫軸幾番東向望薜蘿溪
迴村舍雲橫木

宿真如寺走筆與定緣僧

周 鉉

去來兩宿寶山寺寶山清幽禪定處怪樹尋常弄古蒼翠
竹迎風鸞鳳翥渾忘俗士悶復忙散髮披襟作漫語夜闌
夢入草堂西一碧芬芳香遠御倏焉星影耀羅升輿人速
駕林光曙叮嚀衲子省殷勤寶山英靈譏我你

五言律

送姪山甫

李觀

喜爾年將壯為儒志可嘉鄉間知行實場屋見辭華公道
方無壅君門况不遐直應千里足世世出吾家

瑞相寺

李山甫

路入禪關僻僧迎取衲披自憐重到此深憶舊遊時泉石
清虛景松筠古老姿問師從別後鶴怨幾回知

九日登來鶴亭

時亭
祀

鄧可大

登高餘古興臨眺幾人歡令節曾吹帽頽風不正冠聲驚

瀘溪縣志

卷之十一 詩

十一

紅葉落煙伴白雲寒縱目那堪問溪山未改觀

來鶴亭舊址

鄒衍泗

亭自何年圯空餘來鶴名雲橫青嶂儼虹跨玉溪鳴四野

分秋色高墉出晚晴遷流無可問俯仰有殊情

登來鶴亭

鄧鳴

欲放觀天眼行行過鶴汀昔聞三遶郭今見一孤亭樹霽
籠微靄樓高納遠青瀘波橫麓下知必到滄溟

宿廣仁寺

廖憲臣

忽觀秋光斂天空夜月臨閒房僧影寂疎竹鳥聲吟泉潔

茶添韵風清話轉深雄談殊未了豪氣薄禪林

九日遊妙高峯

時啟通

不識重陽好登高試問之秋雲縈澗樹晴日掛林枝幾欲
題糕字何須讀楚詞白衣人未遠菊正放東籬

和時寅翁九日登妙高峯韵

魯志

登峯聊遣悶曠望欲何之隴首雲翳岫亭臯葉颯枝傷秋
懷玉賦訪古詠嘉詞三徑猶存菊餐英憶舊籬

九日遊圓通庵

時啟通

重陽秋色老菊蕊傲霜枝古刹通禪指高峯現黛眉無風

瀘溪縣志

卷之三詩

十一

妨落帽有酒可催詩戲馬臺誰在歸途且試騎

九龍峯題竹

鄧方旦

不但傲霜雪能虛應物心敲風聲戛玉掛月影篩金僧老
窺窓靜鳥閒掩戶深瀟瀟一夜雨化作老龍吟

朱崖石

傅粲

朱峯插漢表儘力欲擎天嘘淨千霄露盪回五岳煙形扶
森玉笋影落挂長川爲撫瀘城壯東關一柱先

大覺巖

林駿發

岩堯未可極巖迥倚雲寒危几留猿嘯孤松許鶴踏紅蓮

閩海日香靜石林壇選勝來遊客放吟此地寬

天堂庵池梅初熟

盧宗臣

木秀繁初夏時梅映水空藍雕青歷落醋啖綠玲瓏煮酒
誠何事和羹却有功傾筐須墜早莫待五更風

負笈禪巖峯

龔弘謨

境靜塵無染元亭載酒來魚吹澗裏浪雀唱巖頭梅書帶
春盈座蔭葡月照臺石頭曾點眼妙悟印蒼苔

牛耳泉

王吉臣

物無不腐者是耳亦何奇木質非難辨石貞未易窺在茲

瀘溪縣志

卷之十三詩

十三

能自信予世以相疑十載殷情處遙來一問之

溫泉

許夢鰲

坎離逢既濟沸沫出山巔水激聲傳鼓峒流氣吐煙蒸來
雲霧濕滌去石沙妍澣濯無冬夏狂歌自昔賢

前題

傅廷佐

石竇元渾釀泉温出地奇無需春暖到不遂歲寒移味尚
丹砂井香分太液沁瀘山微點綴鼓瑟問伊誰

遊溫泉

盧欽

峭石雲崖立麓邊一坎通氤氳香瀉碧潏沆氣流洪不事

村煙煑宛如丹灶工詎非曾點志凜雪古今同

同石玉完遊出雲峯

潘元勳

雲出峯猶卓峯高雲自平白搖湖滙渺紅燦日高晴怪石
難題字幽花不辨名真仙如可學就此鍊長生

和潘載嶽月華

石文器

寒衣萬戶杵回角一聲秋此夜琉璃淨邊關笳笛愁辭金
心可照得賦藻橫流歲歲元霜問神丹何日收

其二

向望皆圓魄今宵分外明鏡開秦匣暈輝滿庾樓清一水

瀘溪縣志

卷之十一詩

十四

人間浸七襄天上成劉琨長嘯發不覺栗肌生

和潘載嶽遊出雲峯

石文器

六六中峯聳插天直與齊好看紅日出不訝白雲低虎嘯
空山應鳥飛永遠啼循崖多勝覽豪步縱荒蹊

其二

夜宿孤峯寂朝來興轉濃雷巖看石劈棋局有苔封煑茗
山僧話羸糧石臼春朝嵐遮遠眺日出且從容

出雲峯

饒文珩

不陟層巔上寧知此巘尊練色拖江水曙光眺海門芙蓉

丹嶂影仙乳石花痕夜半疑停鶴笙吹復此存

遊出雲峯

鄒占鰲

不登絕巔處那識迥無垠奮袖摩紅日曳鞋亂日雲塵情
天外落勝概望中分應有真仙住控鸞似欲聞

八仙下棋石

鄒之晉

仙自何年奕空餘片石蒼乾坤留斧鑿星月煥文章晏坐
春風滿高吟逸氣翔標竒傳自古跡不在荒唐

星映峯

石映奎

萬山無盡翠仰止此巘岼遠上天風肅長吟夜月寒每懷

瀘溪縣志

卷之十二詩

十五

蘧夢杳猶覺道心完幽蹟殊堪紀嵩溪第一巒

濟衆寺

饒文珩

數里結松陰山橫古寺深青嵐拖素壁斑蘚翳空林泉飲
朝遊鹿花翻暮息禽未能同白社邂逅悅禪心

普潤寺

鄒之震

爲問招提紀貞觀始二年共瞻今佛國猶帶昔唐烟古木
籠青鳥深池放白蓮踈鐘欣可接神靜與迴旋

琵琶峯

鄒之晉

不涉溪山僻難窺淨域殊盤雲千磴曲近日一峯孤泉石

沅花氣禪關啄鳥雛層樓何必上竹榭饌伊蒲

登琵琶峯

王吉臣

磴道盤雲上透迤世外幽到門初見日入竹始知秋巖氣
懸朝雨鐘聲過晚流下方難極目清賞獨登樓

龍馬山

邱棻

龍馬開名刹禪房竹徑陰淡烟籠樹古明月照窓深佛靜
香微裊僧幽勝自尋塵迷空世界閒聽幾鳴琴

度葛嶺

石珂

穿峽稠源路躋攀上葛巔兩崖青若削一徑碧如纏鳥叱

瀘溪縣志

卷之十一詩

十六

王生馭雲迷魯子鳶二三樵採者疑是洞中仙

嵩山

李廷楨

聞道嵩維嶽茲山亦號嵩崔巍原自異奇勝得無同恰好
窺天末尤宜坐月中有懷清似洗寄咏此臨風

次前伯兄韻

李廷棟

無心雲出岫有像嶠名嵩申甫生非偶扶輿勝本同花清
人意外春悅鳥聲中僧暇談幽勝披襟對晚風

遊魚鱗山龍潭

魏毅

龍潛如有意所以息重淵深穴長依地澄波欲鑿天石流

一綫足春氣四時全逐夜巔頭月明珠自抱眠

真如寺阻雨

鄭繼言

不識山光好雲深雨正飛木窺禪牖瘦草拂石溪肥似有
泉聲聞乍聞鳥語微彩霞流霽後又踏暮烟歸

旋閩道經瀘疆感懷

余履度

猶是舊蹊徑秋聲慘昔辰士民懷木石城郭入荆榛鴈度
寒村月蛩啾冷竈塵停車逢父老樹問泣蒼旻

和前

魯志

自昔悲秋况情懷倍此辰冷颼交宿莽孤月照蒼榛旅雁

瀘溪縣志

卷之三詩

十七

添歸思征驪驟去塵運環乘否泰搔首問青旻

送別張邑侯旋蘇州

鄒之震

邑位原流水師名已重山膏餘千井溢氣暢萬煙環爲惜
牛刀割妙隨鶴影閒清風空兩袖吹譽到人間

前題

鄒文璣

瘠邑幾艱鉅疇貽兆姓安自公胥保惠全境出饑寒昔恨
廉來暮今思寇借難含情空折柳風黯大江干

祖邑侯張

魏奇

一自使君至耄倪樂柔徽琴堂聲相召蓬室願獨遠鬢髮

鏡中老文章夢後非振衿衣百結棠木蔭春暉

輓邑侯區之鼎

魏士泓

叱馭臨瀘境不知有險津孤城抗劇賊瘠野起殘民邨落
桑麻靜官厨杞菊新只今行道者揮涕共稱神

輓傅方築

鄧可權

宿根植慧業結髮闖儒關理以靜方出辭因老得閒縱橫
衆武庫雅淡獨波瀾誰料長塘里翻成星落灣

讀鄧温如補著春秋集傳

孔允固

高矚空名帙壯思入窈泉耽經非有癖避地不知年定續

瀘溪縣志

卷之十二詩

十八

陽秋筆豈惟繁露編異時徵著作應共石渠傳

次前韻

陳其諤

偶避黃巾路緣餐白馬泉懷瑜驚匿影稽德妙忘年鳳歷
頻更紀麟經幾斷編名山藏不盡擬向國門傳

七言律

清明日

李觀

遲遲日景坐成曛聞說清明在此晨花卉不宜愁眼看勾
芒能爲幾人春銷磨志氣多因老檢點交遊半作塵欲向
醉鄉聊自適病來還厭舉杯頻

七夕

天孫何許是來時
月意悄悄露氣微
可道星河難得過
自緣鳥雀合高飛
秋宵已勝春宵短
今會還如古會稀
早晚望夫能化石
盡分人世作支機

逍遙峯訪李觀不遇

饒子尚

疊嶂南奔似躍龍
逍遙樓畔識竒蹤
雲根盤地三千丈
石笋參天第一峯
歲久已知蒼鮮合
曉來常怪翠雲封
肩輿卻過株槎路
曙色嵐光隔幾重

訪山甫龍溪新居題壁

王安石

瀘溪縣志

卷之三詩

十九

聞道誅茅向此間
作成仙宇一溪灣
門迎駟馬雙輪入
人佩諸侯六印還
朱閣旋粧壺裏鏡
錦屏初可海中山
南城惟有君家盛
官列文班及武班

和半山題壁

李山甫

指顧門牆似隔間
宦情淡却遠塵寰
欲同湍水終歸海
肯學五陵不至山
百歲任從人享老
三餘贏得道心閒
古來亦有馮唐輩
猶恨爲郎鬢髮斑

懷龍溪李山甫新居

李宣義

崇崇亭館古龍溪
儒將征回歇馬蹄
志慕管夷雖屏跡
才

高葛亮豈蟠泥閑凭曲檻思韜畧醉聽飛泉憶鼓鼙
未生休下淚行看淬劍起征西

盱江書院講學

鄒文瑛

兀兀乾坤幾握持名儒著範肅民彝從來道衍千秋脉况
復天開甲子期桃李有情霈化兩江山無語憶當時瞻依
不盡春風意煦霽窓前綠草垂

前題

傅龍言

大江南上壯盱城道德高賢邁世名學舍恢來連廣坐臯
比擁處頰羣英三王禮樂圖今古百代規模事縱橫鳳麓

瀘溪縣志

卷之十三詩

二十

松楸多蔚茂前窓疑有誦歌聲

春日郊行遇雪

朱崧

繽紛瑞雪滿山巔仄徑肩輿歷步難落處旋融征袖濕飄
來薄點翠微寒宦途時凜春永懼村曲還憐短褐單願得
年豐書大有官清吏瘦四民安

迎春

石文器

東郊簫鼓送春來綵仗繽紛次第開紫陌絲牽牛韞動青
陽律轉戶桃回太平有曲追前事沉醉何人問接盃但得
烽烟消白晝光風處處掣轟雷

春雪

石文器

春光纔媚六花飛寒替和風別著威柳眼未青先舞絮梅梢已白再懸璣瓊瑤踏碎遊人馬縞素翻移妓女衣處處農夫忻大有誼呼慶誦玉田肥

立春後一日同鄧溫如登龍馬山次韻 李之郁

選屐攀登最上頭晴雲卧石曉窺樓舌仍臘味茶非雀耳到春聲樹有鳩龍馬昔年從若至河圖今日向君求低徊幾把歸途後祖武難繩易未優

來鶴亭

馮日望

瀘溪縣志

卷之十三詩

卅

問鶴於今來有無一亭如蓋倚雲孤峯開八面連天合花滿三溪帶雨蘇近水烟霞流畫棟繞城蒼翠浸水壺徜徉莫道狂成癖烏尚畱人不任呼

來鶴亭

鄧可大

亭高直逼漢霄巍仙客占時下德輝兩岸晴波搖北郭千畦芳翠靄南扉曉來山樹連雲合雨後村煙帶日暉自昔登臨多逸興子喬有待更何歸

來鶴亭

林駿發

雲外翩然仙客來卻知新邑應時開羽衣曾點千峯黛篆

跡常留一徑苦窓揭高霞連碧署橋橫佳月近蓬萊遺跡
得其山城古尋勝何人獨往回

登來鶴亭

鄧可權

環亭繡錯吐芳妍點綴人間別一天彷彿當年華表柱徘徊
徧此地羽衣仙流波長咽溪頭瀨落照逢疎樹裏烟勝概
幾經人共賞風光不改舊山川

登眺來鶴亭舊址有感

傅金門

聞道胎仙特灑然孤亭曉蠹破蒼烟星臨綺戶千家動繡
錯花城四面圓景物一傷明月夜笑歌載逐夕陽前人民

瀘溪縣志

卷之三詩

二十二

城郭誰能問丁令歸來又幾年

喜雨

劉希甫

辛未閏午彌月不雨邑明府 朱冠山門兄履雲漢
之憂爲壇禱之請先期齋肅爾室如臨帝天昧爽戒
行滿懷惟籌民命駕鶴城而步巖谷詣龍潭以修禮
儀丹悃格蒼穹何須武昌鳴石鼓璫函達元府儼若
羅浮運神龜禮文既申車轍斯返歸途盼望猶是蟲
蟲蘊隆清署徧徘徊覺萋萋有滄甘霖叠沛遐邇騰
歡粵稽春秋特書以著同樂他如扶風
志喜用示不忘獨慚少文敬賦一律

甘霖次第溢郊渠誠格天心信不虛龍嶺初驚雲觸石鶴
城叠唱雨隨車高低穎合千倉慶遠近年登大有書濟旱
如今雖小試已蘓民望答 宸居

來鶴亭

周立愛

試凭軒檻俯瀘城猶憶當年唳鶴聲環引山川疆宇壯互
牽井里野烟橫溪流皓月龍吟夜陌送微風蝶弄晴世運
升沉誰數說先機會兆見文明

來鶴亭

徐士錦

岑陵臺處倚瀘流鶴至符分百里侯天上有仙歸洞府人
間無客過楊州白雲縹渺縵山嶺夜月踟躕赤壁舟謾道
九臯聞不遠數聲唳破楚天秋

鶴亭晚眺

鄧沼麟

瀘溪縣志

卷之十一詩

三

鶴去亭開境自仙欄檻紆迴晚霞騫千林新月空潭渚一
郭清風出管絃勝事興懷留別墅閒情極目在荒烟幾時
華表驚痴夢歸僚山陰夕照懸

重新來鶴亭

朱光衢

鶴鶴何時一唳傳空餘碧草點朝烟乍成飛閣迎新不一
減吹臺咏昔年清渚宿鳥深倒影高城籠樹曉摩天依依
緱氏松風謾華表歸來此際仙

鶴亭晚眺

李讓

一閣霞飛逐晚晴北郊數武傍山行危欄倒入澄潭靜疎

牖開騫遠樹橫半捲幕嵐隨鳥滅全低峯影共雲平頃吹
漁火熒洲渚斜倚卧橋引郭城

來鶴亭步馮公日望韻

釋尊五

仙鶴何勞問有無捧開碧漢一亭孤磯危夏口輸長李岡
合彭城樂髯蘇四角礙雲層倚巘八窓納日且提壺人民
城郭環相代遂隊笙歌幾笑呼

文昌閣

林繼蕃

重開榛嶺壯奇觀曙靄雷連四望寬一向無亭難宿鶴從
今有閣可棲鸞英華山蔚扞嵐彩翰墨溪流漾碧湍名勝

瀘溪縣志

卷之十三詩

廿四

特標新景象長臨奎壁在雕欄

九日登玆高峯賦別余明府

鄒之震

遙追落帽步高崧萬里雲山一望中來鶴亭墟琴署冷接
龍橋折錦城空拈花酌酒欣相共作賦登高媿與同唱徹
陽關扳馬首瀟瀟袖裡兩清風

時來鶴亭
接龍橋毀

和前

余履度

聯步山城百丈松千家問屋荆榛中鳴琴往事逐秋冷彈
鋏高歌入眼空徧訪佩萸時景異尋踪落帽故人同沙彌
錯解醉翁意抹卻當年載酒風

妙高峯

林鍾清

日橫天漢水橫溪妙境
鶯飛入品題幾并疇鋪時隱顯
數村烟靄自高低邑城列障
雄圖北雲樹排空曉影西頂際
遙傳僧唄响塵凡未許其攀躋

禪嶺峯

文學龔振鶴

世情何處是真禪一嶺高
撐靄碧天門外野僧無衲禮堂
中孤佛有虫緣平原葱翠明朝日
衆歎叅差弄晚烟誰向指頭聞
妙諦對人慢自說空元

九龍峯

林鍾秀

瀘溪縣志

卷之三十一詩

廿五

羣峯盤造翠參天北鎖邑城障
碧川鱗疊山腰依岫轉鬣張石脊
抱溪眠乍來倚檻驚風雨幾度尋
僧失霧煙陽德已徵陽數會詎從
蛭蟻久潛淵

重遊萬靈峯

時庵
煨

林軒

躡蹬披雲撫石屏岩巖特地接
高冥晴搖樹色連溪紫秋刷山光
遶郭青何處佛歸長謝鳥幾年僧
去暗飛螢疎鐘已逐香城劫空嘆
重來兩鬢星

登萬靈峯故址

林芳

蔚然深秀望中青曾說當年集
萬靈諸佛紛來揚梵唄羣

仙竝駕說黃庭山川佳勝猶初過景物荒涼異昔型金籠
幾時歸別宇朝暉徒自靄南屏

金竺庵

林大振

徑入隴田過曲坳一提傍麓俯東郊烟啣半郭籠暉影嵐
靄群峯掛樹梢對岸濤聲人競渡前村暮色鳥爭巢境軒
地僻饒幽勝幾度尋僧把戶敲

仙師峯夜雨

鄧天福

凌虛天際一仙峯鎖斷人間藻艷濃曲澗僧行苔滑徑清
宵雨過樹鳴空空窓燈閃閃飄寒梵唳鶴聲聲報曉鐘永夜

瀘溪縣志

卷之十一詩

廿六

不成遊客夢禪關蒼翠幾株松

登天堂庵

釋律通

緩步直登最上巔到門別是一重天精藍雲靜無塵染寶
殿風高有鶴旋人渡溪崖籠樹影笛橫牛背起村烟眺來
滿目皆圖畫俗應刪除不記年

蓮花石

林芳

誰移菡萏向山巔日煦霞暉歷歲妍不染淤泥開藥瓣詎
須湍水漾清漣磊珂近翫千章異淨植遙心看九品騫君子
堪驚袍笏拜濂溪高咏愛蓮篇

石潭夜釣

林式

雲閉林靜石潭幽夜月當空把釣投
小點清波舒蓼色一泓倒影儘魚遊
前村戶掩踈燈出近寺鐘鳴課梵收
却恠淵沉橫皓魄幾回吞吐在竿頭

五鳳山

林繼勳

覽輝千仞穴凝丹當戶南山聳巽觀
毓質苞符呈世瑞漾華雉影登文巒
危巔蹲石巢阿閣複岫拖烟茹碧玕
天爲花封增氣色長橫陣羽翽雲端

大覺巖

馮日望

瀘溪縣志

卷之十一詩

二十七

一堂虛敞巨崖開悟徹浮生萬劫灰
椿度八千爲歲始人經三熟竊桃回
壺中天淡紅顏任世上風光白髮催
閒看邯鄲夢未曉茫茫長夜總堪哀

大覺巖次馮韻

王汝霖

一躡虛崖別境開世途岐出總成灰
如參摩詰無言後忽自莊生曉夢回
洞裏乾坤長不老樹頭花鳥任相催
浮名盡付東流浪矯首風塵轉自哀

大覺巖

潘元勳

一線縈穿似已通翠巖還插碧霄中
貪看樵逕千重瀑直

上仙巖第一宮孤柱高擎天宇淨危欄遙躡海門空不知
身世誰先覺遺我飄飄欲御風

其二

潘元勳

泉聲寂歷石谿舒石上蟻衣半欲遮畫雨山腰垂草木濕
雲洞口出龍蛇乍沾村釀香殊勝試指遺蹤與未賒千古
盛衰供一笑登臨何必漫咨嗟

大覺巖

傅金門

誰能大藥點朱顏物外孤筇絕巖攀丹粒鼎中文武侯黃
金海上有無間王喬當日魯乘鶴李耳何年便出關剩得

瀘溪縣志

卷之十三詩

廿八

桃花欲欲笑教儂就裏買青山

寄讀大覺巖

盧世傳

負書蹬道傍仙蹤志切朋儕三五同墨瀋洒飛天地濶藜
光爛映斗牛紅松梢午夜猿啼月竹徑晴朝虎嘯風疑是
連雲間闔啟不須梯引廣寒宮

澤心寺漫題

隱龍子

不爲尋芝亦愛山遯居方丈遠塵寰鶴眠午日松陰下龍
躍春霖草色間講學金鑪驚晝夢談經夜月透元關道人
笑我非仙骨三捷歸來九轉丹

春遊麗山寺

鄧可人

爛熳山花滿眼春
霏霏細雨濕衣巾
深林客過鶯藏樹
古寺霧漫馬度津
索句鞭敲竹下韻
留題袖拂壁間塵
平生未遇誰相識
老衲高情境一新

牛耳石

馮日望

芳草萋萋卧石牛
耳根不斷湧清漈
常愁南畝一犁雨
注作東溪百丈湫
水咽喘殘山月夜
烟消耕散隴雲秋
巢由洗後無從見
飲犢何人到上流

次前馮韻

王汝霖

瀘溪縣志

卷之三十一詩

廿九

似木石名一卧牛
沁源耳竇水漈漈
吸來天上銀河浪
瀉作人間碧玉湫
月印空潭呈靜影
人遊金界澹清秋
淤泥不染蓮花瓣
何必橫牽去上流

牛耳泉

傅金門

身埋芳草幾經年
吐納清真特異泉
漱玉遙知分折木
鳴琴疑是响鈞天
何曾見月青霄喘
祇自歌雲白晝眠
斥斷塵空影徹耳
根寒沁媿靈淵

牛耳泉

許夢蛟

隴頭側耳聽耕疇
一竇常將玉液流
澄碧涓涓盈四野
灌

清冉冉潤千秋朝含麗旭縈高樹夜印疎星入小正多爲
沈牛貪入水隻職傾處納天颺

溫泉

馮日望

誰點紅爐一粒丹陰崖水沸氣漫漫風從玉葉池中度魚
在桃花浪裏蟠濯日能酣山骨煖蒸雲不作雪花寒個中
幾許陽春意長注人間莫冷看

溫泉

周立愛

誰憐瘠土怨祈寒蒸出泉流暖霧團赤日陽敷熏石罅火
雲氣鬱釀林巒乍澆冷眼人初醒相盪熱腸夢未殘却怪

瀘溪縣志

卷之十三詩

三十

品題全不到山川粧點畫欄杆

題法水寺

王吉臣

短橋斜澗谷難窮翠竹分陰石道東篆額已更新歲序緜
徒不証舊幡風誰將壁畔題王播我自窓西問馬融一宿
幽芳閑夢起秋高泉語水淪淪

法水寺紀遊

曾梅阜

蘭若傳芳幾百秋偶來山逕一間遊尚能禮佛登高殿未
解尋僧過小樓樹送鳥音僧偈亂溪盤烟帶法泉流題詞
壁上聊相識誰復籠紗爲後留

題四都石鼓

盧宗臣

不從細柳曉傳鈿寧事成均暗點更湖口峙山多窾坎泗
濱浮水妙和平神樵隱發催花韵人力難開起雨聲昨夜
雷門潮破急前灘遠透碧天明

出雲峯

馮日望

雲端縹渺擁孤峰峰上陰陰雨氣濃橫影千崖豎劍戟浮
光萬頃浸芙蓉平吞繡谷蒼烟冷遙引洪州翠靄重尺五
天邊龍對舞歌巖風攬兩株松

出雲峯

王拱盤

瀘溪縣志

卷之十一詩

三二

一林霽色已初冬遊愛名山躡屨從高比丹霄擎玉掌秀
如太華削芙蓉崖陰遙睇棲猿處洞古猶傳駕鶴蹤尋勝
窅然終不盡尚畱餘夢到孤峯

遊出雲峯

鄒之震

直躡寒霄擁曉雲曠然身世絕埃氛無垠氣澤覘元始有
象高深驗至文白晝懸猿當樹杪青天正練掛湖濱振衣
併作緱山想待月應來駕鶴羣

遊出雲峯

邱瑜

躡蹬幽尋路不迷晴巒巖嶻共雲齊雙巖竝鼓風雷壯丹

嶂平看日月低
齟齬乍驚石影墮
呶呶閒送鳥聲啼
彭湖溢處峯千疊
消受遊人一杖藜

詠出雲峯

傅金門

瀕洞晴輝灑氣悠
芙蓉壁立萬峯秋
天門早迓青巒近
日觀翻經碧海流
遙指千邨披繡谷
誰從一點辨洪州
化工橐籥寧能測
其道風雷鎮未收

登出雲峯

魯輝

緩步登臨逸興濃
團團野色碧葱蘢
焜煌海島桑枝烘
窈暖山巔谷口封
雷出歆巖鳴石鼓
風迴邃壑奏金鏞
何緣

瀘溪縣志

卷之十二詩

三三

借得王維筆淡寫
名圖畫影重

出雲峯

傅鼎言

巖岈矗立山之宗
一碧晴空面面峯
萬頃湖光升旭日
千林村靄影蒼松
懸崖天際朝飛鳥
徑蹙石阿夜聽鶯
欲闢竒觀須造極
由來勝地有仙蹤

登出雲峯

譚先

策步極躋第一峯
青衫搖曳白雲從
海波艷展陽鳥馭
村樹影移繡谷封
獅吼歆崖驚睡鶴
雷飛幽壑起潛龍
疑聞空際真仙集
指點玄機嶺上松

遊出雲峯

鄧汝功

羣巘奔馳對此低
摩崖思得徧峯題
石枰懸處人何在
線隙通來鳥自啼
一碧湖光升曉日
長橫旴影掛殘霓
駕雲應向出雲處
問取前關巧匠梯

登出雲峯

周立愛

高撐一壁鎮南天
襟帶江湖斗漢拳
漠漠晴嵐含萬象
疎疎畫意吐新妍
歆巖苔印虫碑字
隙徑雲遲斃羽仙
何處人遐催世運
欲從吳楚問桑田

雲峯晚眺

李長新

瀘溪縣志

卷之十二詩

三三

矗立瀘峯第一巔
屏巒迴疊碧雲天
晶瑩洞口千山月
淺淡村中萬灶煙
芳陌悠悠人意寂
流溪冷冷瀨聲懸
歆巖歸鳥棲難定
乍度微風亦曠然

北眺彭湖

雲峯十二景之一

傅金門

瑟瑟金風爽氣傳
躋攀絕巘總茫然
晴波瀲灩千峯紫
秋色激涵正練妍
雲樹相依吳竝楚
氛埃淨盡水連天
登臨漫自懷蒹葭
應有伊人泚涘邊

遠山寫黛

雲峯十二景之一

傅金門

名山遙睇自相牽
姑射神人綽約仙
乍喜高空閒綴影
儘

教淡靄妙成妍文君臉際惟真色號國筆端豈漫填誰作
擅場吳道子爲余圖寫到天邊

繡谷人烟

雲峯十二
景之一

傅金門

高空極目白雲遐無數蒼涼爲起嗟桑樵影寒當戶老
陵秦塞失羣鴉幾聲霜杵蕭蕭夜一道山嵐處處家邨徑
交橫憑斷續陟籬曲檻夕陽斜

朝霧漫空

雲峯十二
景之一

傅金門

失却陽鳥曉影妍誰從冥靄辨山川太初瀕洞虛無地灝
氣盤旋上下天鳥語重教籠竹翠林橫何處起村烟元黃

瀘溪縣志

卷之十二詩

三十四

到底多渾合証取禪宗一色邊

倒景標霞

雲峯十二
景之一

誰餞東君返玉京碧霄有路輦華迎朱旛對對紅飛陣絳
節重重錦作程末照直干天漢迥分暉斜倚斗牛平遲廻
還竚崦嵫轡剩把竒光普遠氓

三十六峯

馮日望

峯攢六六勢參天長嘯風生萬壑烟日映枝枝森玉笋雨
收朵朵冷青蓮松濤遠近秋聲合花影高低夕照懸鐵笛
一聲何處發和鳴珊珊到前川

六六峯

鄧濬

騰身直與九霄齊
六六峯頭遠着睇
層疊雲山朝旭霽
參差烟樹夕陽西
堂頭偈歇禪僧靜
窗外鳥鳴野竹低
長嘯一聲驚萬戶
許多名理在前溪

望魚鱗山龍潭有感

李顯

層巒疊巘儼魚鱗
絕壑幽棲不染塵
掛壁飛泉鳴瀑布
縈溪淺瀨洒夷漚
珠宮噓氣名誰孽
赤地作霖效最神
爲問蟄藏能變化
居斯境土利斯民

大禪巖

大陽山十景之一

釋新明

瀘溪縣志

卷之十三詩

三十五

誰把乾坤一攬收
佛門陸地亦橫舟
何來力士能扶棹
任有神工莫逐流
沿岸時教烟霧捲
避風羸却海天愁
慙慙爲語桃源客
肯信幽探向巖頭

鷄鳴峯

大陽山十景之一

釋新明

冠距森森最上峯
了無羈絆出樊籠
雲開遠盡修翎翮
雨洗平添翠靄空
咏唱人間千古夢
瓜擗天際一輪紅
蒼冥幾欲高飛去
不與羣山氣象同

過止止山

鄧璧光

紅塵勞攘幾經年
一日清閒一日仙
風向竹林敲夜月
鳥

從樹杪吸朝烟談深大覺花爭笑聽慣楞嚴石解禪莫道
靈山飛不到此間便是蔚藍天

秋日復過止止山見落紅有感

鄧璧光

又逐西風過趙州白雲牽袖客懷幽十分豪興隨時展半
縷詩魂對景收欄檻不殊僧禮佛林泉莫偶樹鳴鳩秋色
一似春花落幾陣飛紅綴碧流

西堂

石廻瀾

高人著想自天開小築西堂不點埃霜髮乾坤寧盡此一
腔今古自悠哉阮嵇曠達非無意王謝風流別有才遮莫

瀘溪縣志

卷之十二詩

三十六

姓名誰疥壁錦囊蕭索勿輕來

凌虛樓

石廻瀾

碧窓長帶白雲開依傍全無豈受埃天際峯巒皆伏矣空
中臺閣實竒哉霞朝綺散詩人興星夕珠連武庫才欲訪
元亭須載酒丹梯得覓且頻來

蔓蘿峯

八仙下
碁石

何清

聞道羣仙集蔓蘿於今視昔果如何一枰中聳方如削八
石森環壘更多競角應須無勝負極思想會有吟哦旁觀
豈少知音者不識當時爛幾柯

前題

何帶

傳說羣仙駐蔓蘿當年軼事始如何
一枰四面槐根老八石中間陣勢多
陰影乍來雲拂惹晴空時聽鳥吟哦
勝豪仙跡貞今古可使樵流漫執柯

前題

何源

幾見仙人到蔓蘿翩翩鶴馭意云何
乾坤吞吐流華速日月消閒此際多
妙諦先天原有局未通奧旨且長哦
但能識得王郎意詎必當年魯爛柯

前題

龔國璽

瀘溪縣志

卷之十一詩

三十七

羣從勝遊陟蔓蘿且看屐齒穩如何
一枰共憇推敲出入石相差磊砢多
落落鴈行勞比擬離離馬日費吟哦
仙翁無事龍牙蛻惹得樵人輒席柯

竹海庵

龔國璽

拂烟噓翠日溟濛蘭若幽餘石徑通
竹色不隨今昔異我懷常與暮朝同
經傳靜裏雲浮響社結芳時氣飲虹
惆悵年來塵歷劫祇留餘夢一堂中

雙蛾峯

龔國璽

彷彿蛾眉天半橫森森峯影漾雲輕
花飛絕壑流泉冷月

掛盤松引鶴鳴幾度攀躋朝夢覺一回
瞻對晚秋清循崖
儻築來樓真館謾拉當年尚子平

九日登西華峯

鄧挺

層登井疇一望間羣峰岬立翠如環
行驚鳥語穿林遠坐
聽泉流礙石潺似錦丹霞明晚色
經霜紅葉舞秋山登高
詎必茱萸酒也得南陵半日閑

登龍馬山家梅臞公講易堂

李元勳

慢把閒情快勝遊尋源爲溯曲巖幽
軟茵弱馥窓前綴碧
靄青烟嶺外浮賢哲文明先業在
乾坤今昔一堂留新傳
瀘溪縣志 卷之十一 詩 三十八
何處程心印擬向書編絕裏求

龍馬山

鄧天章

日麗峰橫碧鎖重鱗張鬣奮馬如龍
漸舒生意窓前草渾
是直機嶺上松典物圖珍緘石匣
易書緒啟奏金鏞里居
名蹟千秋勝瞻遡遺徽幾策節

普潤寺

鄒之晉

滄桑幾度續燈禪日月光通後與前
靜聽蓮池深夜雨閒
觀鸞岫吐朝烟橋流不斷沿溪綠
魚化爭如鞏穴穿靈鳥
知機棲靜土虎山疑有虎山緣

雙溪祠橋

何釗

雙溪流派自雙蛾梵刹雕欄映碧波彼此分潭深浴日東
西潺石互鳴珂橋通左右虹聯水岸倚中間柱作坡莫道
龍門千里遠逢源此即是天河

三台嶺

何章

三台稜鏢銳新矧位應三公輦帝廷左控鶴城千嶂迥右
低繡谷萬峯青朝騫霞岫扶初日暮靄銀河掛列星何處
東山類躡履依依窻影一雲亭

宿琵琶峯

李天植

瀟溪縣志

卷之十一 詩

三十九

鏡空鏡嶠暮光微樵徑殘陰野蕨肥幽賞喜無涼雨妬勝
遊剛值白雲歸循廊意靜風敲竹倚檻吟成月照扉境闢
奧區人自遠漫勞梵唄說禪機

貓兒嶺

時啟通

巖岫中橫分二溪高峯直與碧天齊竒情奮袖眼殊濶壯
氣凌霄山亦低脚帶白雲同上下影隨紅日任東西行人
莫唱路難曲好把橋邊司馬題

鯉魚石

鄒之謙

自昔曾聞鯉化龍豈知石古幻魚蹤或潛或躍波能轉如

鱗如鱗草欲封閉聽禪關朝磬响妙竈雲閣夜燈紅前溪
何日轟雷雨直上雲衢九萬重

御製平定青海碑文

鄧振

狼氛迅掃繫長纓萬里歡傳奏凱聲旗拂曉風吹壘幕
鼓撾夜月照邊城殲魁擣穴

王師壯紀續鐫碑

聖藻橫從此要荒胥向化普天永慶泰階平

王滄嶼父母新任

石文器

一自潘桃去後栽重來驥展士元才三湘雨露隨車沛百

瀘溪縣志

卷之十一詩

四十

里烟塵應運開謾道汪波難扼注喜看棠陰有滋培山旣
夜月無驚吠鶴唳風清兩現臺

午秋寓洪都望鶴城有感

余履度

烟樹迷茫憶舊闈遙將殘子隱情呻昨月滿千家冷官
署風清百采彬物態于今休道故秋光何處不宜人抱琴
孰是知音者彈罷酣歌寄此身

和前

魯志

荒榛斷梗蔓頽闈誰爲飛鴻抱膝呻飲德老量應落落懷
才秀傑尚彬彬宦情澹處鼻流俗歸興濃時景哲人綠野

慢開旋特擢壺公未許火棲身

祖邑侯張

于佑

擔頭人道把花揀侯揀擔頭花也無明月一簾留故署清
風兩袖介征途接龍寒浦流難盡來鶴春亭草不枯此際
呼侯或欲出山川長為姓名圖

前題

魏邦屏

地異姑臧脂不染我侯冰蘖意何真千年華表鶴翎古一
東生藟駒藿新懷淡若斯影自獨政閒之際詩為隣荒城
幾問種花事冉冉惠風欲拂人

瀘溪縣志

卷之十一詩

四十一

前題

魏殿桂

大賢枳棘歲瀘灣撫字三週未肯閉厨酌半瓶龍渚水隄
懸一幅鶴亭山剛歡蜀郡廉何暮詎意興城鄧不還聞道
月明舟滿載耄倪無計把轅攀

讀王母孫氏死烈傳

孔固

數尺深塵珠璧潛每思慷慨淚仍沾楚妃臺上甘沈水宋
婦堂中自赴炎死去方知節烈重話來長恨刃鋒銛平生
環珮歸何處星月踈踈落短簷

讀王母孫氏死烈傳

瀘蘭

從來閨彥頌柔儀如母剛貞一代奇血定不磨匣底劍名
應長列字中碑卽今原草秋猶碧是處飛鳥夜復悲一點
未平芳烈氣化爲雲輦到瑤池

輓王節婦林氏

孔固

嶺巒招魂魂不歸深閨弱歲淚沾衣柏舟舊事畱吟在玉
鏡寒霜綴影微課讀津津晨晝荻流黃札札夜鳴機真心
長與青筠並令範編來女史輝

輓族烈婦

日上妻
林氏

曾先律

烽烟遍野亂飛鴻流水魂隨印碧空竹節珊珊瑩翠葉梅

瀘溪縣志

卷之十一詩

四十二

枝烈烈度寒風高雲不負灑橫影皎月常嫌浪逐踪千載
江心畱俠骨鶻聲永夜恨難窮

輓林雨公

黃櫨

幾番清夜夢君遊醒別長天淚不收碩貌堪摹心尚耿奇
文共賞詣偏優昔年醉寫千峯月此日神飛滿地秋誰謂
玉樓催恁早風規難再付江流

瀘城岡嶺四合幽勝頗多前人未有表而出之者爲簡
其最佳題以八景邑士分詠附後

五鳳翔雲

傅兆雷

宋代鍾靈五鳳飛瀟雲深處企前徽岡陽賀世鳴諧律苞
質成章彩著威中數羣通排健翮皇衢德覽下祥輝地天
爛熳熙隆運一派文明擁帝畿

來鶴迴溪

徐振獄

岡際何人見鶴來亭巍水曲長青苔橫江春暖千鱗躍流
浦秋空一鏡開日射漪紋翻遠壁風踈岸柳漾層臺憑欄
興寄波心靜雲影天光自往回

朱崖扶日

徐州

朱崖百仞和雲蟠朝日東升岫影寒一柱能撐羲御遠太

瀘溪縣志

卷之十一詩

四十三

虛獨闢赤輪安乍迎霽靄滋零露徧迭陽和到曲欄爲問
捧天曾有夢苞桑未若石名罅

逍遙嵌空

林可權

簇簇鋒稜列戟開逍遙樓上妙仙才四虛簷楠方隅整一
帶窻䟽曲檻迴朝漾曙霞髮染繪冬鏤冰柱玉爲臺玲瓏
百節真空徹何處解尋斧鑿來

雙橋落虹

盧廷銘

歌梁勝與彩虹齊壯引山城跨小溪拖水蜿蜒隨上下懸
崖歷落達東西幾回飲醉雌還媚一霎雨過壯並躋何似

灞橋吹柳浪十分清興到詩奚

石潭印月

傅倓

月影孤沉別寄踪石潭夜靜水溶溶若非子羽曾投壁定
是吳鈞乍淬鋒巧織幾涵鮫室麗新粧爲浣玉娥容一泓
徹底渾無礙隔岸青青有數峯

九龍朝烟

林沼

何處羣龍首德先橫鋪碧落靄朝烟幻迷海宇初元混籠
罩邑城翠幙牽有象高深蒸草木無端變滅繪山川頃間
日出文明盛不在霄衢即在田

廬溪縣志

卷之十二 詩

四十四

妙高晚風

魏焯

山靜溪明晚意中廬城北霽妙高風希微不教斜陽下淡
靄徐翳林樹空點瑟春鳴人自遠嘉冠秋落興無窮勝遊
懷寄原非偶把酒豪臨萬象通

五言排

御製平定清海碑文

雍正八年頌
立直省學宮

黃光熊

盛德車書一

皇仁覆載同祥雲騰闡外膏雨遍寰中群仰

天弧霽不矜

日斧雄螽茲沙塞虜敢爾漢關訖

一怒隆推轂六師悉韞弓春和壯氣倍晨作

睿思鴻大施方揚起群酋自潰窮就俘驍帥獲遠竄銳兵
空邊靖鏡吹响旅旋至飲紅紀勲

天語壯勒字學碑穹淮蔡唐非匹燕然漢尚通九州民皞
皞兩序鼓逢逢

前題

鄧璧光

獨握乾綱重垂衣御八荒敷文昭裔服耀武震殊方畧授
軍師律兵殲賊虜狂首魁俘作馘窟穴淨驅狼告學閩旅

瀘溪縣志

卷之十一詩

四十五

鼓鑄碑隻聖牆萬年欽黼藻五色麗天章偉績河山壯鴻
圖日月長遙知青海塞互酌太平觴

前題

林一清

神靈首庶物聲教訖遐方率土歌

元后偏隅梗

帝光白旄迎曉曙青海識嚴霜鑄石

皇猷赫揮毫

御墨香泮宮宣簾業化國報梯航一統苞桑固千秋世緒
長

李泰伯先生祠

林錫衰

百代聖符衍千年廟貌新靈翔川嶽秀道永性天真儒統
延唐脉宗風起宋人文章扶世運經術裕生民奏引書思
笏迷通學問津宮牆遙聳峻廊廡近依鄰韻靄琴堂月波
迴泮水茵晴空腰劍躍霞影筆花春賢以僑居著地從誕
降神昭回呈漢象長倚在瀘濱

遊大覺巖

林鍾岳

石自何年覺玲瓏大有神歆巖開碧宇層巘絕紅塵曲磴
山腰迴竒峯洞口蹲瓶瑩銀露淨井盎玉泉磷虛敞容千

瀘溪縣志

卷之十一詩

四十六

駟崢嶸闕八閩霞飛時烘日霧鎖起迷津寂賞能空世幽
尋倍可人轉輪憑一眺猶恐夢中身

遊大覺巖

盧廷用

拉伴躡穹窿尋幽勝可通呼童攜酒榼避暑入柴蓬歆岸
迴流水危橋印落虹潭龍眠道左右石笋插巖東取徑均多
曲板枝樹更叢泉泓瑩習坎獅子吼遙風地闢轉輪洞天
成甍率宮崖松疎韻竹鳴鶴影飛鴻覺性直爲大逃虛本
自空瀘竒堪耐數未見有山同

七言排

大覺巖卽景

颺起噴吭挿碧霄晴窓掩映白雲遙烟嵐一線天分曙岫
嶂雙蟠龍欲跳坐對寶瓶餘月色閒鋤石笋索春苗龜文
巖屨留奇篆鷹嘴峻巒綴弱條湧日金盆澄紫氣迸珠玉
井漾青綃轉通輪輻欄誰倚巖啟玲瓏石自雕雁塔堪題
人姓字鰲峯好展翅扶搖歸來踏破蒼苔晚細雨微風濕
翠翹

櫟括饒山十二景

邱惟叙

寶蓋峯頭掛錫旂寶蓋峯盤空樾塢古虬蜿古樾塢浴雲縹緲

瀘溪縣志

卷之十一詩

四十七

池開鏡浴雲池修竹清冷鶴結軒修竹軒切謾松風飛梵語松風

切萍浮春綠繡苔痕綠春坪陂邊牧草牛衣卧牧牛陂泉上啼

聲鳥語喧鳥啼泉靈萃芝林籠鉢樹萃芝林香吹薝蔔種祇園

種香園澤心淨處篁墩古古篁墩叅透光明藏裏根光明藏

五言絕

澤心寺古樾塢

盧宗翰

山腰古木臥歲久猶茂蔚野迳漾晴嵐諸天時一至

澤心寺種香園

盧宗翰

臘窮春欲動此地氣尤先老人無世味真物引長年

澤心寺古竺臺墩

盧宗翰

聞道德豐寺繇來古代封豈知尤古者尚有葛天筇

澤心寺萃芝林

盧宗翰

三昧禪關徹草芝靜諦先曇花雖已事會印老青蓮

嵩溪

時啟通

雷聲鳴嶮壑天影掛平川誰是濯纓者依依楊柳邊

輓邑侯區

盧宗梧

昌險蒞瀘陽清操傲雪霜玉樓成詎促太息咏甘棠

七絕

瀘溪縣志

卷之十一詩

四十八

長山李山甫故居

王安石

老子胸中百萬兵熙河一戰見平生門前流水長嗚咽猶

帶當年鼓角聲

慧光寺

李山甫

夢遊山寺有餘清邂逅來時卻自驚珍重秋風知客意還

吹好夢到江亭

次李山甫先生慧光寺韻

傅瑛

宜塵飛絮曉天清夢斷禪關最易驚乍闢疎窓留月住松

風送响到山亭

登來鶴亭

李對揚

鶴自何來亭有踪
亭空鶴往艸煙濃
遠窓四啟渾無語
祇聽疎林隔寺鐘

春日登來鶴亭

盧必上

晴空高望碧雲開
萬里延春翠滿臺
爲憶當年清唳徹
直仙應跨鶴飛來

夏日登來鶴亭

鄭廷柱

曉閣凌空碧靄圍
林間好鳥盡忘機
開窓遠放竒峯入
雲影悠悠帶鶴飛

瀘溪縣志

卷之十一 詩

四十九

重建文昌閣登來鶴亭

盧心錦

鶴去亭殘草滿畦
烟籠綠樹漾橋西
新檻曉望春歸處
鱗蹙文瀾水一溪

秋日登妙高峯

盧必上

脚底雲橫未恨低
高空遠處究元微
秋光一派圖清曉
詎作人間第二題

大覺巖

傅金城

洞裏真人丁令威
千年華表一來歸
丹臺已熄陰陽火
誰問人間是與非

詠大覺巖

傅金華

攀蘿捫磴一徘徊元岫空冥傍竹開石畔野花如欲開種
桃道士可還來

大覺巖

傅宗舉

谿牙岩岫釀精華半貯雲嵐半貯砂那得尚平癡願了也
攜鷄犬傍仙家

頭巾石

王掄臣

昔日散人覓釣舟蕩搖明月一溪幽誰知乘醉中流坐輒
隨青巾懶不收

瀘溪縣志

卷之十一 詩

五十

詠牛耳泉

傅金城

春犁未服日悠悠噴耳鳴泉幾度秋莫是世囂聞不得也
將此意學巢由

溫泉

石珂

天一生中別自竒融融暄色煬風漪不須更晰山川氣理
在芻編既濟辭

遊出雲峯

黃長元

峯面鋪雲自縱橫白雲斷處有峯生登峯踏破雲間路雲
鎖峯頭一局枰

風洞傳秋

出雲峯十
二景之一

傅金門

風肅橫吹秋氣多
颼颼遙動白雲窩
儒生未徹陰陽理
却有靈根在石阿

松濤寫籟

出雲峯十
二景之一

傅金門

為支藤杖躡巖從
天籟無端送壁東
借問遊人何所得
瘦瓢滿注是松風

前題

傅金城

數株斑駁自斜橫
挈攫烟雲姿態生
最是人間繁吹亂
為君迢遞起秋聲

瀘溪縣志

卷之十二詩

五十一

前題

傅金華

年來何事不疎慵
惟有蒼松酷似儂
却被好風閑未得
也供清吹韻前峯

前題

李大掄

匡牀支枕翠微東
忽送濤聲午夜中
消受耳根猶未盡
還勾清夢到松風

前題

林簡臣

非竹非絲妙本真
聲聲剔盡耳根塵
一泓潁水那能似
傲煞當年洗耳人

線天隙照

出雲峯十一景之一

傅金門

誰將霜刃割青霄分却昭昭一縷條莫是仙真恢半武漫從隙地契參寥

疎竹敲風

出雲峯十一景之一

傅金城

高林一抹裊晴空瘦影最宜度遠風噦噦傳聲疎結響疑聞仙佩在牆東

遠山寫黛

出雲峯十一景之一

傅金城

青巒一點自天然聞道名山別有元半淡半濃朝裊露若眠若起柳含烟

瀘溪縣志

卷之十一 詩

五十二

倒景標霞

出雲峯十一景之一

傅金甌

共看天章散晚暉太空直色却疑非夢餘江筆花千簇濯淨巴川錦一機

前題

傅應箕

錦幄重重襯絕茵熒煌炫轉爛麟麟共知儘護頽陽入更遣餘暉貺野人

前題

傅琦

鳳彩凌虛霄綴幕龍文倒景水裁衣等閒托出天孫錦不是人間一樣機

朝霧漫空

出雲峯十一景之一

傅金甌

豈有七條迷巷陌謾疑五里蔽朝烟
高直應是扶晨旭隔斷紅塵界碧天

前題

傅宗舉

侵晨霽色影矇矓一片紋綃布碧空
嘹唳數聲何處覓猶疑雞犬出雲中

前題

林簡臣

烟邨歷落舊堪題瞥爾霧漫四野迷
莫是桃源仙徑幻至今空說武陵溪

瀘溪縣志

卷之十一 詩

五十三

繡谷人烟

出雲峯十一景之一

傅琦

亂離何處不傷魂風雨晴看處處邨
惆悵昔時花柳徑滿畦芳草黯黃昏

盱江虹影

出雲峯十一景之一

傅鴻猷

淡靄碧空派遠波一泓斜影掛盱河
誰言雨霽殘虹出長看無雲曉漢多

棋盤石

出雲峯十一景之一

傅金門

高懸欹影石枰危曾有仙翁事奕棋
爲問局閑人去後可泰元白未分時

前題

傅金華

未會仙直意若何置來閒局歲時多應知妙手原無著不許樵人爛斧柯

前題

傅應箕

一枰廢閣幾經年白石蒼烟榛莽前莫是殺機開未得亂拋棋子入星垣

前題

傅宗舉

暗醜誰營績骨膏拚來成敗漫勞勞仙翁自是忘機者萬事如棋不著高

灑溪縣志

卷之十一 詩

五十四

前題

王吉臣

無勞足跡話荒唐鼎立竒情澗意量萬目苔封仙不見空懸棋局待王郎

仙橋石

出雲峯十八景之一

傅金門

鴈齒橫空度漢霄五丁何事闢岷山靈應示飛來勝移得天台半石橋

金盆石

出雲峯十八景之一

傅金門

誰是諸天絳雪丹蕊宮爛爛金盆寒當年半粒恒沙現惟有虛空未可搏

鷹嘴石

出雲峯十
八景之一

傅金門

不回青霄把翮斜特營屹醉傍仙家深韜利爪張修喙爲
服丹臺一縷霞

碧子石

出雲峯十
八景之一

傅金門

伊何縣圃也宣威可是神功妙旨微半偈不須煩再轉就
中托出箭鋒機

靈泉井

出雲峯十
八景之一

傅鴻猷

水性本爲潤下功一泓誰掛碧天中太初沕穆涵元氣直
把菁華注遠空

瀘溪縣志

卷之十二 詩

五十五

龍馬山房

邱孺糸

竹細松疎水一源當堦紅藥自爲翻斫朱風節高如許羸
得烟嵐護石門

鳳林村

孫奎

赤境龍溪錦里芳武階勳業制賢良鳳林幾數舉比事節
與文山日月長

馬鞍山

元度

周王八駿妙追風猶想遺羈在望中何處燕昭還市骨
敲再見碧龍葱

獅子禪林

吳謙

禪室清幽第一山
樵漁常聽水潺潺
烟雲出入尋高侶
幾樹蒼松晝夜閑

桂月四日夜過普仁寺

鄭偉

一鉤新月掛天腰
秋色撩人過小橋
曲澗紆迴風漾水
疎窓響過寺鐘遙

遊真如寺

黃光熊

何事假來何事真
白雲深處淨紅塵
世人若問真消息
竹外松前月一輪

瀘溪縣志

卷之十一詩

五十六

悼文孺兄

鄧可權

年少西歸玉樹摧
江天影斷一帆開
水長岸濶青山暮
幾度思兄夢不來

輓李皇求

鄧可權

將軍義勇舊登壇
霄漢心懸一劍寒
不信但看袍鏡在
迄今染血未曾乾

登天堂庵

盧伯龍

袖靄微風興轉豪
翠流垌野寫秋濤
攀躋不著登山屐
身世從知本自高

詞類

中秋

劉際可

金商九十秋分半
溶溶輪影升冥漢
天濶海雲收琉璃
千頃秋
瑤階香霧濕玉漏
穿花急長嘯
曉河灣寒光零亂
間

右調菩薩蠻

頌瀛守石玉完德政

楊文蒞

軟草沿堦垂楊遶院水
簾半捲花深淺
風霆陣陣刈萑苻
勿令橫撲行人面
李白飄枝桃紅飛
片門前年少文章
綯千秋留下好勲名
補天石也膺宸眷

瀘溪縣志

卷之十一詩

五十七

右調踏沙行

挽王賓臣

劉蕙

雋才如鏗淬新礪
那能俛仰趨迎羅浮天際海雲平凌厲
風清 疆場已標大節士林早註完名歲寒松柏峻孤貞
又肅閨型 右調畫堂春

大覺巖

傅金門

鳥啼芳蘿掛樹幾闌歲
年抵去朝還暮悄倚堂
盪雲鎖戶撒手懸崖應有金仙住
列重迷莊莫寤人世埃塵都被
無明誤回首風光何處所
一覺遽然證取三生路

右調蕪幕遮

贈瀛守石玉完課

提橋

重瞳意氣深親簡紗籠蹀鳳飛雲閣
光眉時天卿奏
喜動山龍熠月卿延竚後取次榮懷都來霖雨舟楫
暫
旋紫馬槐影揚朱鬣香盆擎駿路
權相接椒盤旨酒襯箇
團花帖待向金仙說願公禪聯貂璫何但七葉

右調滿路花

重陽

劉達可

憑欄極目正秋晚風高寒氣乍肅
自昔登臨舊事狂來欲

瀘溪縣志

卷之十一詩

五十八

續斜飛紅葉搖峯影盼征鴻笑人幽
獨白衣謝去烏巾歛
落空羨芳躅喜修甕盎醅剛熟
撫門外籬邊黃花盈掬
憑吊當年幾把胸懷相轟唾壺擊碎
無窮緒儘傾尊接掌
浮綠紅牙拚却饒他白雪高歌新曲

右調桂枝香

赤境橋李家園

周立愛

環疆似欲遶霞紅溯當年勝槩霄籠
垂嫩蔭烟林隔溪倒
影橋通迴欄處水曲山重見祥慶
斗射星寒酸熟仙夢杯
中把丰標迥出高騫步江東
昇庸時流互相角絕不肯

逐隊追踪奮鱗吐雲唾霧天矯虬龍幾安排鼓鼓疎鏞
振贖聾事在人遐尚矣滿目高蓬弔斜陽樹頭鳥語韻微
風

右調高山流水

出雲峯夜望村燈

黃棟

天際斜陽草樹山中暮色鄉村烟嵐乍靄漸迷昏懸篝火
亂推起紅暉 明滅香沉淡點參差境悄微分熒熒冷燄
遠成雲搖風影彩爛暗芳春

右調江月晃重山

讀石玉完先生縣志諸作

周立愛

先朝季城邑正初開特峻起巍階松疎籠月常聞鶴竹閉

瀘溪縣志

卷之十一詩

五十九

點雨不翳埃試量才能是否咎胚胎

也說是甌隅形未

壯也說是莽莽荒未祛空羨府柏堂槐水畦石島多紆曲
榭陰亭敞少差排一林花蝴蝶姪蜂還猜

右調最高樓

馬潘二邑侯傳金門

周立愛

宦績碑思去文章芒麗一腔渾是干霄氣風骨珊珊迥出
金石錙地瀘士教澤湮還未 溪瀾紋漾儘把新情遠寄

六朝派別人輕議曾按否史編房喬也駢儷詩印昔賢心

更契

右調鳳凰閣

忠烈祠

林大任

唐鄧鵠啼血淚殷南徐江上夜星寒戟摧故壘人去後千載忠魂夢未還
雙目炯在河山雲飛朝閣月明關精誠貫作天虹白壯氣長橫瀘水間
右調鷓鴣天

牛耳泉

石 覲

田間橫偃一木附土而固廣可三尺未竟其長絕肖牛耳竅出漬而不腐者不知幾千年矣往時好事者規以石而泉注焉既清且旨宜烹釀以權準之凡水不能類是名靈泉

靈胎異質識滄桑多度鬼斧橫開精光露許巢先有箇洗
讀當年何始沸耳晶流玉注 一泓清自可剗木無端七

瀘溪縣志

卷之十二 詩

六十

碗風生活瀘癩記取古山中香溢金醅遊懷引陶公隨任
恁愛枕泉畦孰披簞卒梵唄朝昏聞來應悟

右調洞仙歌

遊出雲峯曾祖讀書舊墟

石鎮邦

良柱

峯之左丹崖屏列下闢一區縱橫十丈許平如陟墮旁衛差栽岩深處風雷若吐前席儼布奕杼石足高支恍臨瑤臺仙界吾祖河間公披棘結廬卒磨杵業者有年矣今棟宇雖燹而階砌宛在徘徊久之彌用悵然

踏破曉雲不計堆綠深書帶處冷然悲當年苦下董生帷
雄文擲流響驚起巖雷 歷劫已凝灰峭崖枕絳幃面杼

暮山禽猶自效唔呶捱更坐見蒸影射昌魁

右調感皇恩

饒江紳士送盧慎菴先生致仕歸里

卓卓文巒插太空道高五嶽範羣雄菁莪久沐千家雨桃
李均沾萬里風問字未能慚立雪晤言猶獲喜登龍客星
炯炯三台上指日蒲輪屬我翁

蓮花石

天堂庵景

盧兆鸞

指點天堂景磔磔一朵穠質分靈運秀貌竝六卽容滴露
有橫漢祛塵翠捲松不須池闢艷瀟灑展奇峯

著作書目

盱江文集

李觀著 祖無擇序

招規藏版

翠筠亭集

石文器著 范景文序

進修堂藏版

理建錄

石文器著

棘寺讞錄

石文器著

守瀛錄

石文器著 萬象乾序

俱進修堂藏版

易經臆闡

石文器著 李日新序

板燬存印本

文竿彙氏

傅作興著

板燬存印本

曲澗集

孫奎著

板燬存印本

瀘溪縣志

卷之十二書目

六二

逸心居詩

王吉臣著

逸心居藏板

古學彙纂

盧珽盧日懋同婁東李繼貞 鹿城顧錫疇著 刻行世

感應篇註釋

鄧中立著 刊行